

## 犯錯

逐家好我是阿晏仔，我是阿棋仔，上台行禮逐家好!

阿棋仔:仙人拍鼓有時錯，跔步踏差誰人無?

阿晏仔:嘿啦嘿啦，逐家攞會犯錯，我佇厝內若是損破一塊碗，就要乎人睨足久的呢。

阿棋仔:每個人攞會犯錯，難免的啦!是講，你是按怎會損破碗?

阿晏仔:啊就...看電視傷認真，無細膩跋落去的，算算咧，嘛是我的無對齣。

阿棋仔:若按呢你甘有彌補?

阿晏仔:啥?彌補?是欲彌補啥?

阿棋仔:個 佢你罵罵咧，你佢 個講啥?

阿晏仔:無啊，乎個罵了就欲起痾啊，誰欲佢個講話啊?

阿棋仔:所以你連一聲失禮攞無講喔?

阿晏仔:呃...袂記得啊...誰佇咧氣頭上會講失禮啊?拳頭無夯起來就袂醜啊!

阿棋仔:因為按呢，個才會無要原諒你啦!

阿晏仔:好啦好啦，莫閣念啊，我問你，犯錯這種代誌，定義到底佇佢位啊?

阿棋仔:這喔，問我穩趁的，你內行有眼光喔!聽喔好....

阿晏仔:拜請大人，請講!

阿棋仔:嗯...錯誤咧，是要看你錯佇啥物所在。

阿晏仔:比如講...學校?

阿棋仔:真巧!無毋對!若按呢請你回答我一個問題。

阿晏仔:無問題!NO PROBLEM!

阿棋仔: 佇學校耍手機仔甘對?

阿晏仔:當然嘛對!我攏佇學校耍...

阿棋仔:噓...較細聲咧啦，你是驚人無聽到喔?

阿晏仔:按怎啦?

阿棋仔:誰佻你講佇學校會使耍手機仔?

阿晏仔:是按怎袂使?手機仔不但會當查資料，閣會當用來上課，我有啥物毋對?

阿棋仔:若照你按呢講，全世界的人無就攏是對的啊?

阿晏仔:毋過，我講得確實無毋對啊，啊毋是做啥乜虧心事啊!

阿棋仔:是啦!若按呢，借問一咧，學校的校規是啥?

阿晏仔:毋通罵老師、要穿學生仔衫、要綁頭毛、閣有~毋當用手机仔!

阿棋仔:學校會設計這一套校規，就一定會有伊的用意，如果若照你拄才按呢講的，校規你自己訂就好啊啦~

阿晏仔:嘿嘿，嘛是齁!但是，就算講我犯錯，若是犯佇對的所在，嘛無的確會毋對啊?甘毋是?

阿棋仔:嗯...這就要看時機啊，比如講:你朋友生日，你要乎伊一個驚喜，你會按怎?

阿晏仔:閣伊騙到一個所在...然後...

阿棋仔:等一咧!你講的”騙”毋就是一種犯錯嗎?

阿晏仔:蛤?按呢嘛算喔?

阿棋仔:無咧?但是這是另外一種騙。

阿晏仔:啥乜?甘若一個騙，就有這爾濟意思喔?

阿棋仔:就乎大師來為你解說!

阿晏仔:請了!

阿棋仔:你的彼種騙甘有傷害到人?

阿晏仔:無啊!只是單純地想要乎阮朋友歡喜爾爾。

阿棋仔:毋知影你甘捌一種名詞叫做”善意的謊言”?

阿晏仔:喔~若按呢我知啊!無傷害人的錯，攞無錯!

阿棋仔:嘛無完全對啦!因為你還是犯錯啊。煞煞去啦，話若要講透支 目屎  
就撥袂離~

阿晏仔:嘿啊，加講加麻煩的。

阿棋仔:是講，你損破碗的代誌...

阿晏仔:免煩惱!我已經想好我欲做啥貨啊!

阿棋仔:若按呢，講來聽看覓...

阿晏仔:我決定欲幫阮老母做家內事一禮拜~袂醜齣!

阿棋仔:是... 袂醜啦!毋過... 甘袂傷少?

阿晏仔:傷少?做這爾濟創啥會?也不是講欲去做囡仔工...

阿棋仔:你厝內的家內事誰做?

阿晏仔:老母啊!

阿棋仔:一個人?

阿晏仔:要有獎勵我佻阮小弟才會幫老母鬥做。

阿棋仔:真正是無法無天呢!我閣你講，你損破碗的處罰就是...

阿晏仔:是...?

阿棋仔:幫你老母做家內事一世人!

阿晏仔:一...世人?莫滾耍笑啊啦!以早，我若欲做一項家內事就乎個嫌閣無一塊好...恐驚...

阿棋仔:你若欲要你老母原諒你，就甘若這步啊!誰叫你欲犯這種錯?

阿晏仔:失禮啦!

阿棋仔:免免免~免佢我回失禮，緊轉去向你的老母賠罪!

阿晏仔:是是是!多謝大人指教!

阿棋仔:莫客氣!

阿晏仔、阿棋仔落台行禮，多謝逐家!